



O‘ZBEKISTON RESPUBLIKASI
OLIY TA’LIM, FAN VA INNOVATSIYALAR VAZIRLIGI
O‘ZBEKISTON-FINLANDIYA PEDAGOGIKA INSTITUTI

BUYRUQ № 129-ij

2024 yil “7” avgust

Samarqand sh

**Institutning “Aksilkorruptsiya kovorking”
markazi konsepsiyasini tasdiqlash
to‘g‘risida**

Oliy ta’lim fan va innovatsiyalar vazirligining 2024-yil 26-iyundagi “Aksilkorruptsiya kovorking” markazlari konsepsiyasini tasdiqlash to‘g‘risida”gi 220-sonli buyrug‘i ijrosini ta’minlash yuzasidan.

BUYURAMAN:

1. Oliy ta’lim fan va innovatsiyalar vazirligining 2024-yil 26-iyundagi “Aksilkorruptsiya kovorking” markazlari konsepsiyasini tasdiqlash to‘g‘risida”gi 220-sonli buyrug‘i rahbarlik va ijro uchun qabul qilinsin.
2. 2024-yil sentyabr oyidan “Aksilkorruptsiya kovorking” markazini tashkil bo‘yicha konsepsiyasi 1-ilovaga muvofiq tasdiqlansin.
3. “Aksilkorruptsiya kovorking” markazi a’zolari bir o‘quv yili muddatga 2-ilovaga muvofiq tayinlansin.
4. “Aksilkorruptsiya kovorking” markazlari faoliyatini hamda belgilangan vazifalarning samarali bajarilishini tashkillashtirish uchun xizmat xonasi va zaruriy jihozlar ajratilsin (mas’ullar: Yoshlar masalalari, ma’naviy-ma’rifiy ishlar bo‘yicha birinchi prorektor Z.Muminova, Moliya-iqtisod ishlari bo‘yicha prorektor B.Muradkabilov, bosh hisobchi X.Usmonov).
5. Mazkur buyruq ijrosini nazorat qilish Moliya-iqtisod ishlari bo‘yicha prorektor B.Muradkabilov zimmasiga yuklatilsin.

Asos: Oliy ta’lim, fan va innovatsiyalar vazirligining 2024-yil 26-iyun kungi “Aksilkorruptsiya kovorking” markazlari konsepsiyasini tasdiqlash to‘g‘risidagi 220-sonli buyrug‘i, S.Bobomurodovning buyruq loyihasi.

Rektor



Sh.Negmatova



O'zbekiston-Finlandiya pedagogika
institutining 2024-yil 4 - avgustdagi
129 -ij sonli buyrug'iga 1-ilova

O'zbekiston-Finlandiya pedagogika institutining “Aksilkorruptsiya kovorking” markazi KONSEPSIYASI

1-bob. Umumiy qoidalar

1. O'zbekiston-Finlandiya pedagogika instituti (keyingi o'rinlarda - institut)ning “Aksilkorruptsiya kovorking” markazi konsepsiyasi (keyingi o'rinlarda - Konsepsiya) Korruptsiyaga qarshi kurashish milliy kengashi majlisining 2024-yil 26-yanvardagi 12-son bayonnomasi ijrosi yuzasidan O'zbekiston Respublikasining Konstitutsiyasi, O'zbekiston Respublikasining “Korruptsiyaga qarshi kurashish to'g'risida”gi O'RQ-419-son Qonuni, O'zbekiston Respublikasi Prezidentining 2023-yil 27-noyabrdagi “Korruptsiyaga qarshi kurashish tizimini yanada takomillashtirish hamda davlat organlari va tashkilotlari faoliyati ustidan jamoatchilik nazorati tizimi samaradorligini oshirish chora-tadbirlari to'g'risida”gi PF-200-son Farmoni hamda 2021-yil 7-iyuldagi “Korruptsiyaga qarshi kurashish faoliyatini samarali tashkil etishga doir qo'shimcha chora-tadbirlar to'g'risida”gi PQ-5177-son qarorlariga muvofiq ishlab chiqilgan.

2. Konsepsiya korruptsiyaga qarshi kurashish tizimini uzoq muddatli rivojlanishining asosiy yo'nalishlarini belgilab beradi, jumladan:

- O'zbekiston Respublikasining “Transparency International” xalqaro tashkiloti tomonidan e'lon qilinadigan korruptsiyaga qarshi kurashish xalqaro reytingi bo'yicha jahonning ilg'or mamlakatlari qatoriga kirishiga erishish;

- uzluksiz ta'lim tizimini sifat jihatidan yaxshilash va halol, vatanparvar kadrlarni tayyorlash;

- ta'lim jarayonlarini raqamlashtirish, ta'lim-tarbiya jarayoniga korruptsiyaga qarshi kurashish tamoyillarini bosqichma-bosqich tatbiq etish;

- ta'lim tizimiga korruptsiyaga qarshi kurashishga oid zamonaviy axborot-kommunikatsiya texnologiyalari va innovatsion loyihalarni joriy etish;

- yoshlarni halollik ruhida tarbiyalash va ularni korruptsiyaga qarshi kurashishga doir zamonaviy usullari va yo'nalishlari bilan tanishtirib borish;

- korruptsiyaga qarshi kurashishga oid bilimlar bellashuvi tashkil etish;

- korruptsiyaga qarshi kurashishda jamoatchilik nazoratini kuchaytirish.

2-bob. Institutda korruptsiyaga qarshi kurashish tizimi

3. Institutda korruptsiyaga qarshi kurashish “Komplayens nazorat” tizimini boshqarish bo'limi tashkil etilgan. Mazkur bo'lim ilm-fan, ta'lim va innovatsiyalar sohasida korruptsiyaviy omillarni bartaraf etishda keng qamrovli ishlarni amalga oshiradi.

4. Talabalar va pedagog xodimlar orasida ta'lim jarayonining shaffofligi va

ochiqligini ta'minlashga qaratilgan anonim so'rov tadbirlari o'tkaziladi.

5. Talabalar hamda professor-o'qituvchilar ishtirokida "Korrupsiya va unga oid huquqbuzarliklarga qarshi kurashish" mavzusida profilaktik mazmundagi targ'ibot-tashviqot tadbirlari muntazam o'tkazib kelinadi.

6. Talabalarning ota-onalari, huquqni muhofaza qiluvchi organlar, mahalliy hokimliklar xodimlari, siyosiy partiyalar, ommaviy axborot vositalari va boshqa jamoat tashkilotlari vakillari ishtirokida korrupsiyaga qarshi kurashish mavzusida institutda "Ochiq eshiklar kuni" tadbirlari o'tkaziladi.

7. Institutning korrupsiyaga qarshi kurashish "Komplayens nazorat" tizimini boshqarish bo'limi tomonidan korrupsiya alomatlari mavjud bo'lgan huquqbuzarlik holatlari yuzasidan xizmat tekshiruvlari o'tkazilib, bu haqda huquqni muhofaza qiluvchi va nazorat organlariga tegishli materiallar taqdim qilinmoqda.

8. Manfaatlar to'qnashuviga yo'l qo'ymaslik sohasida ichki rotatsiya choralari doimiy ravishda qo'llaniladi.

9. Jamiyatda korrupsiyaning salbiy oqibatlarini aks ettiruvchi videorolik hamda matn ko'rinishidagi materiallar institutning rasmiy veb-saytiga va ijtimoiy tarmoqlardagi telegram kanallariga joylashtirilib kelinadi.

10. Oliy ta'lim tizimida korrupsiyaga qarshi kurashish sohasida amalga oshirilayotgan ishlarning borishi va natijasi xususida video va nashr materiallari ommaviy axborot vositalari orqali aholiga yetkaziladi.

11. Ishga qabul qilinayotgan professor-o'qituvchi va xodimlarga institut korrupsiyaga qarshi kurashish "Komplayens nazorat" tizimini boshqarish bo'limi tomonidan korrupsiyaning oqibatlari, xizmat vazifasiga qo'yiladigan asosiy majburiyatlar, ta'qiqlar, cheklovlar, talablar, korrupsiyaga qarshi kurashish siyosati va odob-axloq qoidalarining mazmun-mohiyati haqida tushuntiriladi.

12. Korrupsiyaga qarshi kurashish, ichki audit va boshqa sohalardan jalb qilingan mutaxassislardan iborat tuzilgan ishchi guruhlar tomonidan davlat xaridlarini amalga oshirish hamda fuqarolarni ishga qabul qilish jarayonlarini ochiqlik va shaffofligini ta'minlash bo'yicha nazorat tadbirlari amalga oshiriladi.

13. Oliy ta'lim tizimi pedagog va rahbar kadrlarini qayta tayyorlash hamda ularning malakasini oshirish, korrupsiyaga qarshi kurashish "Komplayens nazorat" tizimini boshqarish bo'limi xodimlarini malakasini oshirish uchun Bosh ilmiy-metodik markazida 36 soatlik maxsus o'quv kursi tashkil qilingan.

14. Talabalar va xodimlardan korrupsiyaviy holatlar xususida murojaatlarning kelib tushishini ta'minlash maqsadida institutda telegram-bot kanallari yo'lga qo'yilgan.

15. Institutning o'quv binolarida "Adolat qutilari" o'rnatilgan.

3-bob. Institutning "Aksilkorrupsiya kovorking" markazi faoliyatining asosiy maqsad va vazifalari

16. Institutning "Aksilkorrupsiya kovorking" markazi (keyingi o'rinlarda — Markaz) faoliyatining maqsadi institutda korrupsiya xavflarini oldini olish, axloqiylik va halollikni ta'minlashda yoshlarda korrupsiyaga qarshi muvofiqlik munosabatni shakllantirish. Shuningdek, oliy va professional ta'lim muassasalari talabalari va professor-o'qituvchilari o'rtasida korrupsiyani oldini olish va unga qarshi kurashish

bo'yicha olib borilayotgan siyosat va normativ-huquqiy hujjatlarning mazmunini tushuntirish, samaradorligini oshirishda yordam berishdan iborat.

17. Mazkur maqsadga erishish uchun Markaz quyidagi vazifalarni amalga oshiradi:

- korrupsiyaga qarshi kurashish sohasida qabul qilingan qonun hujjatlarining natijadorligi va samaradorligi to'g'risida yoshlar va aholining xabardorligini oshirish;
- oliy va professional ta'lim muassasalarida korrupsiyaning oldini olish va unga qarshi kurashish borasida amalga oshirilayotgan turli tadbirlar va o'quv kurslarida faol ishtirok etish;
- "Korrupsiyaga qarshi xalqaro konvensiya"si, korrupsiyaning oldini olish va bartaraf etishga oid xorijiy davlatlar tajribasi, shuningdek, ushbu yo'nalishda xalqaro tajribalarni o'rganish va uni Markaz a'zolari o'rtasida muhokama etish;
- korrupsiyaga qarshi kurashish yo'nalishidagi targ'ibot-tashviqot ishlariga ko'maklashish va unda talaba-yoshlarning faol ishtirokini ta'minlash;
- Markaz ichki tartib-qoidalarini amalga oshirish yuzasidan ilg'or tajriba asosida, talaba-yoshlar o'rtasida trening va master-klasslar o'tkazish;
- ta'lim sohasida shaffoflik va ochiqlikni ta'minlashda institutning korrupsiyaga qarshi kurashish "Komplayens nazorat" tizimini boshqarish bo'limiga yaqindan yordam berish;
- talaba-yoshlar o'rtasida korrupsiyaning oldini olish va unga qarshi kurashish sohasida jamoatchilik nazoratining samarali tizimini shakllantirish, "Yoshlar-jamoatchilik monitoringi" kabi ta'sirchan zamonaviy nazoratni amalga oshirishda ko'maklashish;
- Markaz tomonidan amalga oshirilayotgan ishlarning natijalarini tahlil qilish, ularning samaradorligini oshirish va mavjud kamchiliklarni bartaraf etish yuzasidan takliflar ishlab chiqish;
- "GRACE" dasturi materiallaridan foydalangan holda ta'lim sohasida korrupsiyaning oldini olish va halollikni targ'ib qilishga qaratilgan tadbirlarni tizimli tashkil etib borish;
- Institutning "Yoshlar klubi" va "Aksilkorrupsiya kovorking" markazi a'zolarini jalb qilgan holda "GRACE" dasturi materiallari asosida korrupsiyaga qarshi kurashish mavzusida targ'ibot-tashviqot tadbirlarini o'tkazish amaliyotini joriy etish;
- soha mutaxassislarini jalb qilgan holda, institut talaba-yoshlari, professor-o'qituvchilari orasida halollikni targ'ib etuvchi tadbirlarini (intervyu, flesh-moblar, turli aksiyalar) tashkil qilish;
- "Talaba-yoshlar halollik tarafdori", "Halollik va poklik", "Korrupsiyaning oldini olish bo'yicha profilaktika kunlari", "Halollik qadriyatlar", "To'g'rilik, mehnatsevarlik xotirjam hayot asosi", "Korrupsiya - davlatni yemiruvchi, insonni tubanlashtiruvchi illat" kabi mavzularida davra suhbatlari, bahs-munozara va treninglar, targ'ibot-tashviqot tadbirlari o'tkazilishini yo'lga qo'yish;
- ta'lim sohasida korrupsiyaviy xavflarni aniqlash, ularning oldini olish va bartaraf etishda yoshlarning roli haqida jamoatchilikning xabardorligini oshirish;
- markaz a'zolari ishtirokida korrupsiyaga qarshi kurashish sohasida amalga oshirilayotgan tadbirlar va erishilgan natijalar haqida institutning rasmiy veb-saytiga doimiy tarzda materiallar joylashtirib borilishini ta'minlash;

- ilmiy maqolalar va videoroliklar tayyorlab, mahalliy va respublika ommaviy axborot vositalari orqali ommaga yetkazish;
- markaz o'z faoliyatiga doir masalalar, bu borada amalga oshirilayotgan ishlarni ommaviy axborot vositalarida yoritish bo'yicha hamkorlikni yo'lga qo'yish;
- institutning iqtidorli va faol talabalari ishtirokida "ta'lim muassasasi—viloyat—respublika" tizimi asosida bilimlar bellashuvini tashkil etish;
- markaz o'ziga yuklatilgan vazifalarni bajarish uchun konferensiya, forum, seminar, davra suhbatlari va boshqa tadbirlarni tashkil etish singari vazifalarni bajaradi.

18. Markaz o'z faoliyatida quyidagilarga amal qiladi:

- O'zbekiston Respublikasi Konstitutsiyasi va qonunlariga, O'zbekiston Respublikasi Oliy Majlisi palatalarining qarorlariga, O'zbekiston Respublikasi Prezidentining farmonlari, qarorlari va farmoyishlariga, Vazirlar Mahkamasining qarorlari va farmoyishlariga, ushbu nizomga va boshqa qonunchilik hujjatlariga;
- jismoniy va yuridik shaxslarning korrupsiyaga aloqadorligi to'g'risidagi tasdiqlanmagan ma'lumotlarni tarqatmasligi hamda aybsizlik prezumpsiyasi prinsipiga amal qilishi;
- Institut nomidan intervyu berish, uchrashuvlar o'tkazish va boshqa ommaviy tadbirlarda ishtirok etish uchun institutning korrupsiyaga qarshi kurashish "Komplayens nazorat" tizimini boshqarish bo'limini xabardor qilgan holda va tegishli ruxsat asosida amalga oshirish.

Yuqoridagi talablarni bajarish markazning barcha a'zolari uchun majburiydir.

4-bob. Konsepsiyani amalga oshirishdan kutilayotgan natijalar

19. Konsepsiya doirasida belgilangan vazifalarni bajarish orqali oliy ta'lim tizimida quyidagi ko'rsatkichlarga erishish nazarda tutiladi:

- korrupsiyani oldini olish va halollikni targ'ib qilishga qaratilgan tadbirlarni tizimli tashkil etish;
- korrupsiyaga qarshi kurashishga oid fikrlarning jamlanishi, yangi g'oyalarni vujudga kelishi va ularni amalga oshirish;
- korrupsiyaning kamayishi, xalqaro reytinglarda yuqori o'rinlarni egallash;
- yoshlarda korrupsiyaga qarshi kurashishda murosasizlik madaniyatini shakllantirishda tanqidiy fikrlash, axborotni mustaqil izlash va tahlil qilish, zamonaviy bilimlari o'rganish, innovatsion ishlanmalari yaratilishi;
- korrupsiyaga qarshi kurashishga mo'ljallangan didaktik materiallar va multimedia mahsulotlarining yangi avlodlari tayyorlash;
- korrupsiyaga qarshi kurashishda jamoatchilik nazorati kuchaytiriladi, metodik yordam ko'rsatish maqsadida elektron resurslar yaratiladi;
- ta'lim tizimini yanada raqamlashtirish.

5-bob. Yakunlovchi qoidalar

20. Markazning faoliyati O'zbekiston Respublikasining qonun hujjatlariga, Oliy ta'lim, fan va innovatsiyalar vazirligining buyruqlari hamda ushbu nizomga zid bo'lmasligi lozim.

21. Markazning qarorlari ustidan belgilangan tartibda shikoyat qilinishi mumkin.



O'zbekiston-Finlandiya pedagogika
institutining 2024-yil 4 -avgustdagi
129 -ij sonli buyrug'iga 2-ilova

Aksilkorrupsiya kovorking” markazlari a’zolari
RO‘YXATI

T/r	F.I.SH	Lavozimi	Vazifasi
1.	Z.Muminova	Yoshlar masalalari, ma’naviy- ma’rifiy ishlar bo’yicha birinchi prorektor	- rais
2.	B.Abdurasulov	Yuriskonsult	- a’zo
3.	I.Sattarova	Xotin-qizlar masalalari bo’yicha maslahatchisi	-a’zo
4.	A.Abduraimov	Raqamli ta’lim texnologiyalari markazi bo’shlig’i	-a’zo
5.	N.Shirinov	Axborot texnologiyalari markazi boshlig’i	-a’zo